


सिरजोन रेयाक् उपहार

इकाई बाबोतते

जानवार आर दारेको छाडाकाते, आबो दो सिरजोनरे आरहों आयमालेकान जिनिसबोन जेलेत् काना जेलेका-दाक् आर ज़ोम जिनिस। ओनाको दो आबोवाक् नापाय ज़िबोन लागित् दामानाक् जिनिस काना।

नोआ इकाई दो दाक् आर ज़ोम जिनिस ए सेंदराया। आबो दो निफुट ज़ोमाक् आर साफा दाक् जुंय रेयाक् ज़ोस लागती कान ताबोना। साफा-साफी ताहेंन आर दोहोय आर होड़मो भाञ्जाव लेखान मोज बुजहवोक्आ आर निफुट ताहेंन लागित् गोड़ो जामोक्आ। आबो दो हिजुक् दाराम लागित् सिरजोन रेयाक् सोंसाधोन बाञ्चाव हों चेद लागतीकान ताबोना।



माचेतको लागित् बाडायजोडाक्

नोआ इकाई दो 'सिरजोन रेयाक् उपहार' बाबोत काना। नोआ अध्याये सेलेत् आकान मोहोत ओनमानाक् बोरनोन लाताररे एमाकाना।

अध्याय 7: दाक्- दामानाक् उपहार नोआ काथारे आसोल जोर ए एमोक्काना जे चेतलेका सेरमा दाक् आबो दाक् रेयाक् दामानाक् उपहार ए एमाबोन काना, इनाकाते ओनादो आयमा होराते जारवा दोहो होयोक् काना। आबोदो नोआ दाक् साफाकाते ओडाक् रेबोन बेवहारेदा। सानाम ओडाकरे आकोवाक् दिनाम बेवहार लागित् दाक्को जारवाया, आर ओना आयमा होरातेको बेवहारा। आयमा धाव, दाक् रेयाक् गुन आर मात्रा बनार लागित् आयमा लेकान चुनौती हिजुक् काना। नोआ मुद्दा जागाव लागित्, आबोदो दाक् सांसाधोन बाञ्चाव रेयाक् जोसते आयमा होराबोन ज़रीया।

अध्याय 8: आबो जाहाँको ज़ोमाक्बोन ज़ोमेदा, ओनाते दो आबो नोआ बुजहाउ लागित् गोडोबोन ज़ामेदा जे आबोवाक् निफुट होडमो बेनाव दोहोय लागित् ज़ोमाक् रेयाक् मोहोतानाक् कामी मेनाक्आ। आबोदो आयमा लेकाते ज़ामोक् ज़ोम जिनिसबोन ज़ोमेत् काना। सानाम ज़ोम जिनिस लागतीयानाक् पोक्साव जिनिस ए एमोक् काना, ओनाते दो आबोवाक् होडमो आडी हाहाडा होराते लाब ए ज़ामेत् काना। आबोवाक् आयमा आरी-चालीरे आयमा लेकान ज़ोम जिनिस रेयाक् पोक्साव जिनिस बाबोतते दामानाक् सेचेत् मेनाक्आ आर निफुट ज़ोमाक् बाछाव लागित् डाहार ए एमाबोन काना।

अध्याय 9: निफुट होडमो आर कुसीते ताहेन फ़ारचा आर निफुट बेनाव दोहोय रेयाक् मोहोत लागित् जोर ए एमावाक्आ। फ़ारचा आर साफा-साफ़ी लागित् लागती काडेरकोबोन चेतएत् काना, जेमोन ओडाक् आर आडे-पासे साफा-साफ़ीते ताहेन। दिनाम होडमो भांजाव आबोवाक् दिनाम हिलोक् रेयाक् हिस्सा बेनावोक्आ, ओनाते दो आबोवाक् होडमो आर मोने बनारगे निफुट ताहेन लागित् गोडो ज़ामोक्आ। आबोवाक् आतास लागित् बेनावोकान नियोम बुजहाउकाते आर ओना पालोन काते, आबोदो लोकसान खोनबोन बाञ्चाव दाड़ेयाक्आ।



- केलास रे 'जोम जिनिस रेयाक् मेला' लागाव लागित् काडेर बेनावमे; आयमा लेकान ज़ोम जिनिस सोदोर लागित् कुरुमुट्टुयमे, जेलेका- ओन, मोसोला, फ़ोल-डोल, उतु जिनिस एमान।
- दाक् दोहोय लागित् बेवहारोक्कान आयमा लेकान बोरतोन लागित् हों प्रोदोरसोनी सोदोरमे; नोआ दो चितारतेहोम उदुक् दाड़ेयाक्आ।
- ज़ोम जिनिस, दाक्, फ़ारचा आर निफुट होडमो हेवा खोन ज़ोनोडाव पोरमानाक् आर उमेर खोन ज़ोनोडाव लेकानाक् हुडिज वीडियो आर फिलिम, काहनी पुथी आर ओनोडहे आमठेन दोहोयमे।
- दौडौन आर दौडौन होडः आमाक् आडेपासेरे मेनाक् दाक् रेयाक् आयमा लेकान उदगाउ जेल लागित् योजना रुखिया सौव बेनावमे। निफुट होडमो लागित् योगासन उदुग लागित् योगारेन माचेत होहोवायमे; गिदरा सौव साफा-साफ़ी आर निफुट होडमो बेनाव दोहोय रेयाक् गालमाराव लागित् मित्टेन डाकटोर होहोवायमे; ज़ोम जिनिस रेयाक् मेला ज़ोखान गो-बाबा आर सोमाजरेन होड आकोवाक् सेदाय खोन हेच् आगुवाकन ज़ोम-जुं बाबोत गालमाराव आर लाइ लागित् होहोवाकोमे।



अध्याय

7



0335CH07

दाक्- मित् आडी दामानाक् उपहोर्

सेरमा दाक्, सेरमा दाक्, आरहों हिजुक्मे!



जाहाँ लातार हिजुक्आ,

चेका ओना दो तिसहों चेतान बाड चालाक्आ?

मित् हापता हाबिच् दिनाम् हिलोक् सेरमा कोयोगमे। चेका सेरमा दाक् जुंरहाक्आ? आमाक् आमदाज जाहाँतिस दो सुही होय दाड़ेयाक्आ, आर जाहाँतिस दो भूल होय दाड़ेयाक्आ।

चेका जाहाँन नोडकान इसारा मेनाक्आ जाहाँते दो आम दाक् जुंरहाक् रेयाक् इसारा बुजहाउ लागित् गोड़ोयेम जाम? मित्तेन लाटु होड कुलीयेम उनी चेकातेय बुजहावा। लाताररे सुराग ओलमे।



ओलमे


इजिज हुदिसेदा तेहेज दोय दागा चेदाक् जे

(कोम-से-कोम 2 सुराग ओलमे)

इजिज हुदिसेदा तेहेज दो बाय दागा चेदाक् जे

(कोम-से-कोम 2 सुराग ओलमे)

दाक् जुंरहायेना!



माचेतको लागित् बाडायजोडाक्

नोआ अध्याय रेयाक् पहिल हाटिज तोबे होय दाड़ेयाक्आ, जोखोन आमाक् टोठारे दाक् जुंरहाक्आ। गिदरा साधिनतेको तोदारोत दाड़ेयाक्आ, कुकली दाड़ेयाक्आको, आमदाजको लागाव दाड़ेयाक्आ, ओना बाबोतको गालमाराव दाड़ेयाक्आ, चितारको बेनाव दाड़ेयाक्आ आर आकोवाक् तोदारोतको रेकोर्ड दाड़ेयाक्आ।



कामी-कासनी

1

दाक् जुंरहाक् बाबोतते आपनार तेगे जाहाँतिनाक् होय दाड़याक्आ उनाक् कुकली कुलीक्मे।

- ९ चेका आडी जासतीय दाक् एदा से कोमगे?
- दाक् रेयाक् ठोप माराङ गया से हुडिज गया?
- चेका दाक् बाइ-बाइते जुंरहाक् काना से आडी उसाराते?
- चेका दाक् नुनाक् जोर जुंरहाक् काना जे आमदो दाक् रेयाक् ठोप दो बाङ एकेन दाक् आतुक् गेम जेलजामेदा?
- चेका दाक् सोजहे ओतरे जुंरहाक् काना? चेका नोआ तिरछाक् काना से आयाक् दिशाय बोदोलेदा? आमदाजमे चेदाक्?
- सेरमा दाक् मित्तेन बासोनरे जारवायमे। चेका नोआ साफागे जेलोक् काना से माइलागे?



चितार बेनावमे

- दाक् जुंरहाक्एम जेलकेत् ओना रेयाक् चितार बेनावमे।





- चेका आमदो तेहेज ए दाग लेकाम बुजहावेदा? बाडखान गापा? आमदो नोडका चेकातेम बुजहावेदा?
- चेका दाक् एकेन आमाक् टोठारे होयेना से आडेपासे एटाक् टोठारे हों? आमदाज लागावमे, जाहाँय कुलीकोम आर तोलासमे।
- दाक् जुंरहाक् बाबोत जाहाँन सेरेज बाडखान आमाक् पारसीते से एटाक् पारसीते सेरेज बेनावमे। दाक् जुंरहाक् सेरेज सेरेजमे।
- चेका दाक् जुंरहायेनते आमेम कुसीयेना? चेका ओनाते सानाम होडको कुसीयेना?

ओना सेरमा दाक् ओकायेना?

जोखोन ए दाक्केदा उन जोखान आयमा उतार दाक् ओतरे जुंरहायेना। ओनाको सानाम दाक् ओकाते चालावेना?


नोण्डे आयमालेकान ओतरे दाक् जुंरहाक् काना। हुदिसमे आयमालेकान ओतरे सेरमा दाक् ओकाते चालाक्आ।

चेका सेरमा रेयाक् दाक् हासारे साकीदोक्आ, पुखरीरे जारवाक्आ से आतु चाबाक्आ? चेका आमदो नोआम हुदिसेदा नोआ दो जाहाँन हुडिज आतुक् दाक् से गाडारे मिलावोक्आ?

दाक् आसुड आर चाँदो राकाप्काते चेत होयोक्आ? नोआ सानाम दाक् चेत काँमीरे लागावोक्आ? आमाक् आपनाराक् आमदाज लाइमे।

जोखोन सेरमा रेयाक् दाक् हासारे साकीदोक्आ, ओना बाइ-बाइते हासा लातारते आतुकाते गाडा से पुखरीरे मिलाउ दाडेयाक्आ। थोड़ा दाक् दो ओत लाताररे धिरी चटाइनी आर हासा तालारे जारवायेनगे। आबोवाक् कुंजरे दाक् नोआ ओत लातार खोनेगे हिजुक्आ।

हुडिज गाडा आतुकाते माराड गाडारे मिलावेनगे। थोड़ा दाक् दो पुखरी, गाडया आर झीलरे आर समुद्र आर महासागर रेहो जारवाक्आ।





- चेका आपेयाक् आतो से नागराहाटेन जाहाँन झारना, गाडा, पुखरी से झील मेनाक्आ? ओना रेयाक् जुतुम आर ओना बाबोत थोड़ा बानाडाय तोलासमे। ओना हिरीयमे आर ओना रेयाक् चितार बेनावमे। ओना आडेपासे जाहाँन दारे, चेंडें से जानवारेम जेलजाम कोआ, ओना रेयाक् चितार बेनावमे।
- गाडा बाबोत मित्टेन ओँनोँडहें सेंदरायमे आर ओना केलासरे सेरेजमे।


दाक् दो दामानाक् उपहार काना!

दाक् दो उपहार काना ओना दो सेरमा खोन जुंरहाक् काना।
नोआ उपहार दो आबोवाक् ओड़ाक्ते मित् बिसेस होराते
सेटेरोक् काना।

आबो दो नोआ उपहार चेतलेकाते आडी जोतोन तेबोन
दोहोयेदा? आबो नोआ चेतलेकाते बाञ्चावबोन दोहोया? आबो
ओना साँव चेतबोन चेकायेदा? देला,आबो ओड़ाक् भितरीते
चालावकाते ओनाबोन तोलासा।

जाव हिलोक्गे सूर्या आर बरखा दो ओड़ाक् रेयाक्
नोल खोन दाक्किन जामा। इस्कूल रेहों उनकिन दो नोल
खोनगे दाक्किन जामा।

नोआको नोलरे दाक् पाइप होतेते हिजुक् काना। नोआ
पाइपरे दाक् ओका खोन हिजुक् काना? सूर्या आर बरखा
दो पाइपकिन तोलास केदा आरकिन जामकेदा जे छोटरे
मित्टेन टैक ताहेंकाना। नित दो उनकिन नोआ काथा तेकिन
हाहाड़ायेना जे दाक् दो टैकरे चेकाते हेच् एना।



माचेतको लागित् बाडायजोडाक्

दाक् चोकरो खोन पाछनाव एकेन केलस 4 रेगे होयोक्आ। नित लागित्, गिदर दो नोआ बाडाय ओचोकोम
जे केटेच् ओतरे सारेच् दाक् सेतोडते रोहोडोक्आ। हासारे सकिदोक् सेरमा दाक् सानाम खोन मोहोतानाक् गया,
चेदाक् जे नोआते दो आबोवाक् दाक् स्रोत रिचार्ज होयोक् काना आर दारेको हाराक् लागित् गोडोय जामा।




गालमारावमे


आमदो दाक् ओका खोनेम जामेदा?



चेमा आमदो दाक् नोल खोनेम जामेदा? जुदी हें, तोबे आपे ओडाकरेन लाटु होड कुलीकोम नोलरे दाक् ओका खोन हेच्एना। ओनको दो आम छोतरे से थोडा साँगिजरे मेनाक् टैक बाबोतको लाइ दाडयामा।



चेका आमदो जाहाँन टैक बाबोतेम तोलास केदा जाहाँरे दाक् जारवाक् काना? ओना टैक हाबिच् दाक् चेकाते सेटेरेना? चेका जाहाँन माराड पाइप मेनाक्आ जाहाँते दो नोआ टैक हाबिच् दाक् हिजुक् काना? नोआको पाइप दो ओका खोन हिजुक् काना?




चेका आमदो कुंज से बोरवेल खोन दाक् एम जामेदा? जेलमे कुंज खोन दाक् चेत्लेका तेको ओडोकेदा। नोआ लागित् दो चारखी से पाम्प से बिजलीते चालाक् पाम्प बेबोहार होय दाडयाक्आ। आरहों आमदाज लागावमे कुंजरे दाक् ओका खोन हेच्एना।

चेका जाहाँय आमाक् ओडाक्ते नोल, कुंज से साँगिजरे मेनाक् गाडा आर झील खोन दाक्को आगुवाम काना? नोआ दाक् ओकोय आगुयेदा? ओनको चेकाकातेको आगुयेदा? जाहाँय आम दाक्को आगुवाम काना ओनको आयमा-आयमा 'सारहाव' मेताकोम!



- चेका आमदो टैकर खोन दाक्एम जामेदा? जुदी हें, तोबे नोआ तोलासमे टैकर ओका खोन दाक् ए आगुयेदा। चेका आमाक् दाक् आपेयाक् आतो से नागराहाटेन मेनाक् जाहाँन कुंज, गाडा से झील खोन हिजुक् काना?
- चेका आम नोडकान होडेम बाडायकात् कोआ जाहाँय दिनाम हिलोक् दाक् जाम लागित् मुसकिल होयोक्कान ताकोआ?



आबोवाक् दिनाम हिलोक् रेयाक् जिवोनेर दाक्



ओलमे

- ओनाको सानाम कामीकासनी रेयाक् लिस्टी बेनावमे जाहाँको लागिन् आबोदो दाक् लागतीयाबोना।
- दाताउनी काते हुतुमोक् लागिन् तिनाक् मोग दाक् आमदो लागतीयामा? ड़ाबराक् लागिन् आमदो तिनाक् दाक्एम बेवहारेदा?

चेका आमदो जाहाँतिस नोडकान हालोतरेम पाड़ावाकाना जोखोन आमदो दाक् बाम जामलेदा? उन जोखेन चेत्एम चेकाकेदा?

मित्दिन सूर्या आर बरखा साँव हों नोडका होयेना। उनकिन चेत्किन चेका केदा बाडायाम?






तोलासमे

आमरेन गोड़ोम बाबा आर बुडीगो से जाहाँय लाटु होड़ कुलीकोम:

- ओनको दो दाक् ओकारेको जामकेदा? चेका ओनको दो दाक् रेयाक् ओनका गेको बेवहार केदा जेलेका आमेम बेवहारेदा?
- ओनको दो चेतलेकाको दोहो जारवायेत् ताहेना?
- ओनकोठेन खोन आम जाहाँम बुजहाउ केदा ओना बाबोत मित्तेन काहनी ओलमे।

जोखोन आबोबोन बुजहावा जे आबोदो सानाम ओकते दाक् बाडबोन जामा तोबे दाक्बोन दोहो जारवाया। जाहाँन टोठाकोरे दो होड़ आकोवाक् ओड़ाकरे नोल आर पाइपते दाक् बाडको जामा। ओनको दो गाडा बाडखान कुंज खोन दाक् आगु होयोक् ताकोआ। जाहाँतिसकोरे दो दाक् टैकरते दाक्को हाटिजा आर ओना ओड़ाकरेको दोहो जारवाया।

आयमा बोछोर लाहा, दुनियारे ओकारेगे पाइप आर नोल बाड ताहेकाना। ओनाते होड़ दो दाक् दोहोय लागित् जाहाँन जिनिस बोतोल, बाल्टी से बोर्तोन बेनावको चेत् केदा। नोण्डे थोड़ा बोर्तोन एमाकाना ओनाको आबो नेतार ओड़ाकरे दाक् दोहोय लागित्बोन बेवहारेदा। ओना दो आयमालेकान धातुते बेनाव ताहेना।



हासा घाड़ा



हासा सुराही




ताम्बा बोर्तोन



पीतोल बोर्तोन



स्टील बोर्तोन




एल्युमिनियम बोर्तोन



काँच बोतोल



प्लास्टिक बोतोल






प्लास्टिक बाल्टी





ना॒मुना लागावमे




- आपे ओडा॒क्रे बेवहारो॒कान आयमाले॒कान बो॒रतो॒न पाछ॒नावमे।
- आपे ओडा॒क्रेन हा॒डाम-बु॒डही हो॒ड कुली॒कोम ओन॒को चे॒त्ले॒काना॒क् बो॒रतो॒नरे दा॒क्को दो॒हो॒येत् ता॒हे॒ना।
- नित जा॒हाँको॒बोन बेव॒हारे॒त्कान चे॒का ओना खो॒न बेगा॒र गो॒या?
- चे॒का बो॒रतो॒न रे॒याक् बेगा॒र-बेगा॒र जु॒तुम ता॒हे॒काना?
- मि॒त्तेन ए॒टाक् का॒गो॒जरे नो॒ड॒कान बो॒रतो॒न रे॒याक् चि॒ता॒र बे॒नावमे जा॒हाँटा॒क् दो आम आ॒डी मोंजे॒म जे॒लेदा आ॒र ओना रे॒याक् जु॒तुम आप॒नार पा॒रसी॒ते ओ॒लमे।
- आ॒मरेन मा॒चेता॒क् गो॒डो॒ते आपे॒याक् के॒लास॒रे नोआ चि॒ता॒र रे॒याक् ना॒मुना लागा॒वमे।
- आ॒मरेन के॒लास गा॒तेको॒वाक् चि॒ता॒र हों ओ॒नमा॒न ता॒कोमे।
- ति॒ना॒क् ले॒काना॒क् बो॒रतो॒नको बे॒नावा॒कादा?
- चे॒का आ॒मदो बो॒रतो॒न ला॒गित् जा॒हाँन ना॒मुना॒म आ॒म के॒दा?



मित् घाडी थिरकाते हुदिसमे




- दाक् दो सेरमा दाक्ते धारतीरे हिजुक् काना।
- सेरमा दाक् दो बाइ-बाइते आबोवाक् सानाम स्रोत ए पेरेच्केतगे- हुडिज आतुक् दाक्, गाडा, पुखरी, झील, कुंज, ओत दाक् एमान।
- नोआ उदगाउ जायगा खोन आबोदो आबोवाक् ओडाक्ते आयमालेकान होराते दाक्बोन आगुयेदा।
- आयमा होराते आबोदो ओनाबोन दोहो जारवायेदा।
- आयमा होराते ओनाबोन बेवहारेदा।
- दाक् बेवहारकाते ओना दो चेकायेदाबोन?



दाक् दो आबो जिनिसको साफा लागित् ए गोडोवाबोन काना। नोआ दो आबोवाक् निफुट होइमो लागित् आडी मोहोतानाक् गया। मेनखान जोखोन आबो नोआबोन बेवहार इनाकाते नोआ दाक् दो माइलायेनगे। आबो दो जुंय लागित् आर दाका इसीन लागित् माइला दाक् बाडबोन बेवहार दाइयाक्आ। मेनखान आबो दो बेकार दाक्रेयाक् दारेको सियात बाडखान फारचा ओडाक् साफाय लागित्बोन बेवहार दाइयाक्आ।

देला आबोदो दाक्रेयाक् बेवहार कोम लागित्बोन कुरुमुटूया आर जोखोनगे होय दाइयाक्आ दाक् रेयाक्बोन बेवहार आरोया।

आबो दाक्रे आडी बाइती सानुन आर एटाक् रसायन बाड मिलाउ लागतीकान ताबोना। देला आबोदो सेरमा खोन जामाकान आडी दामानाक् उपहार जोतोन्तेबोन दोहोया!



मिमिठ् ठोप लागतीगेया

दाक् दो आडी सोडाबोन मानावा चेदाक् जे नोआ दो आबोवाक् अस्तित्व लागिठ् लागती गेया। आबोदो बेगोर दाक् जुंते 3 माहाँ खोन बाडती बाडबोन ताहें दाडेयाक्आ। ओना इयातेगे आबो दो ओडाक्ते हिजुक् पेडा दो सानाम खोन लाहा दाक्बोन ताड आकोआ आर जुंय लागिठ् दाक्बोन एमाकोआ।

नोडकान टोठा, जाहाँरे आडी कोम ए दागा आर ओण्डे दो जाहाँन माराड दाक् रेयाक् स्रोत हों बानुक्आ, ओण्डेनको होड दो आडी साँगिज खोन ताडामते दाक्को आगुया।


चेका आम नोडका बाम बुजहावेदा जे सानाम होड सानाम जायगारे, जाहाँतिनरेगे साफा जुंय दाक् जाम लागती काना?

कामीयमे


जाहाँयगे आमाक् दुवाररेको हिजुक् साफा दाक् एमाकोम। नोआरे ओनको होडको होय दाडेयाक्आ जाहाँय दो डाकसेवा से साफाई सेवाको एमोक् काना। आयमा टोठाकोरे ओडाक् बाहरेरे दाक् रेयाक् बोरतो न दोहोय रेयाक् चोलोन मेनाक्आ, जेमोन जाहाँयगे दाक् तेताडको दाक्को जुं दाडेयाक्। नोआ दो बिसेसकाते सेतोड दिन रेयाक् चाँदोरे होयोक्आ।



होड लागिठ् बेगोर दामते
जुंय दाक्



टैकरे जानवारको लागिठ् जुंय दाक्




चेंडेंकोवाक् उमोक्



चेंडेंको लागिन् उमोक् ओडाक् तेयारमे- सेतोड दिन चेंडेंको दाक् जुं ओचोकोमा।

चेंडें लागिन् मित्तेन चेपडे थारीरे दाक् दोहोयमे जेमोन ओनको दाक्को जुं दाडेयाक् आरको रेयाडोक्।

- मित्तेन चेपडे आर ओसार बोरतोन हातावमे (मित्तेन मारे लाटु बाटी बाङखान मारे बोरतोन बाङखान बाल्टी रेयाक् लातारतेत्, जेमोन 10 सेमी. खोन कोम गाढलाक् ताहैन)
- चेंडेंको दुडुबोक् लागिन् ओनारे काटिच्-काटिच् धिरी दोहोयमे। आमदो थोडा धिरी धारे रेहोम दोहो दाडेयाक्आ, जेमोन धारे दो ढालुगे ताहैन। काटिच्-काटिच् धिरीते दो तेजोको हों नोआ दाक् बेवहार लागिन् गोडोको जामा।
- ओनारे साफा दाक् दुलमे आर बोरतोन राचारे, बालकनीरे से छोटरे दोहोयमे।
- ओना दाक् आयमाधाव बोदोलमे।
- हापतारे बारधाव ओना बोरतोन स्क्रबरते साफायमे। नोआ स्क्रबर रेयाक् बेवहार दाकाय ओडाक् रेयाक् बोरतोन लागिन् बाङ काना, नोआ दो बागान लागिन् दोहोकाक्मे।



माबोन तोलासा

क. ओलमे

1. आमदो दाक्दिन रेयाक्एम कोयोक् होर केदा आरेम जेलकेदा चेतुलेका सेरमा दाक् रेयाक् ठोप ओतरे जुंरहाक् काना। आमदो सेरमा दाक्एम जारवाकेदा आरेम जेलकेदा ओना साफावा से बाड। आमेम जेलकेदा आयमालेकान जायगारे जुंरहाक्कान सेरमा दाक् ओकाते चालावेना। नित दो सेरमा दाक् बाबोत आपनाराक् ओनमान लेकाते थोड़ा पान्ते ओलमे।

2. आमदो आपे ओड़ाक् सोर रेयाक् नाला, गाडा, कुज, पुखरी से झील रेयाक् जुतुम आर ओना बाबोत बानाडाय होंम जामकेदा। ओना मित्-बार पान्ते ओलमे: चेका नोआ दाक् जुंय लागित् बेवहार होय दाड़ेयाक्आ? जुदी हैं, तोबे ओना दाक् ओड़ाक्ते चेकाकातेपे आगुइया? जुदी बेवहार बाड होय दाड़ेयाक्आ,तोबे चेदाक् बाड? चेका नोआ दाक् रेयाक् बेवहार लाहाते होय बाड़ावाकाना?

ख. चितार बेनावमे

आमाक् चेंडें उमोक् ओड़ाक् रेयाक् चितार बेनावमे। ओनको चेंडें आर तेजोकोवाक् जुतुम ओलमे जाहाँय दो ओना उमोक् ओड़ाक् रे हेच्काते दाक्को जुंकेदा।

ग. गालमारावमे

दाक् दो आडी दामानाक् काना। आबो दो ओना बाबोत सोन्तोर् ताहेन लागतीकाना जे आबो ओना रेयाक् चेत्लेकाबोन बेवहारेदा। आबो दो दाक् रेयाक् मित् ठोप हों बेरबाद बाड लागतीकान ताबोना। आपे-आपेरे गालमारावपे आर आपनार ओडाक् से बाहरे रेयाक् ओना कामी-कसनी रेयाक् लिस्टी बेनावमे जाहाँ कारोनते दाक् माइलाक् काना से बेरबादोक् काना। आबोदो दाक् बेरबादोक् चेकातेबोन चाबा दाड़ेयाक्आ? आमाक् दोल साँव पेया उपाय बाबोत हुदिसमे आर ओना आमाक् नोटबुकरे ओलमे।

